



**PEKELILING PENTADBIRAN BIL. 4/2024**

**BAYARAN INSENTIF AWAL KAJIAN SISTEM SARAAAN PERKHIDMATAN AWAM TAHUN 2024**

1. Mesyuarat Lembaga Pengarah Universiti (LPU) Secara Edaran Bil. 1/2024 bertarikh 08 Februari 2024 telah meluluskan Bayaran Insentif Awal Kajian Sistem Saraan Perkhidmatan Awam (BIA KSSPA) Tahun 2024 kepada staf (dilantik sebelum dan masih berkhidmat pada 23 Februari 2024) seperti kelayakan berikut:
  - a) RM2,000.00 dibayar kepada setiap Kumpulan Pengurusan dan Profesional serta Kumpulan Pelaksana Gred 56 dan ke bawah yang layak seperti berikut;
    - i. Pegawai lantikan tetap, sementara dan *Contract of Service* (COS); dan
    - ii. Skim Felo termasuk Felo Penyelidik.
  - b) RM1,000.00 dibayar kepada Kumpulan Gred Jawatan Utama/ Khas dan pesara yang dilantik semula secara *Contract of Service* (COS).
  - c) RM500.00 dibayar kepada Pekerja Sambilan Harian (PSH) yang telah berkhidmat selama sekurang-kurangnya enam (6) bulan terakhir pada tahun 2023 dan masih berkhidmat pada 23 Februari 2024 termasuk lantikan *Contract For Service* (CFS).

Bayaran kepada staf yang menggunakan peruntukan tabung amanah adalah tertakluk kepada perakuan dan kelulusan oleh Ketua Pusat Tanggungjawab bagi penggunaan Tabung Amanah masing-masing.
2. Bayaran BIA KSSPA 2024 akan dikreditkan ke akaun gaji staf pada **23 Februari 2024**.
3. Pembayaran BIA KSSPA 2024 ini adalah selaras dengan surat edaran daripada Ketua Pengarah Perkhidmatan Awam, Jabatan Perkhidmatan Awam Malaysia bertarikh 06 Februari 2024. (**Lampiran A**)
4. Semoga dengan pembayaran BIA KSSPA 2024 ini dapat membantu meringankan beban staf dan pesara bagi membuat persediaan awal sesi persekolahan dan menyambut Bulan Ramadan 1445 Hijrah.

Sekian, terima kasih.

**“ISLAM MEMIMPIN, RAJA MENAUNGI, NEGERI BERKAT”**  
**“MALAYSIA MADANI”**  
**“BERKHIDMAT UNTUK NEGARA”**

Saya yang menjalankan amanah,

**(KHAIRUL ERWAN BIN ABDUL HALIM, P.J.K)**

Pendaftar

22 FEBRUARI 2024

- s.k.
- Naib Canselor
  - Timbalan-Timbalan Naib Canselor
  - Semua Ketua Pusat Tanggungjawab





**KETUA PENGARAH PERKHIDMATAN AWAM**  
**DIRECTOR-GENERAL OF PUBLIC SERVICE**  
Jabatan Perkhidmatan Awam Malaysia  
*Public Service Department, Malaysia*  
Aras 13, Blok C1, Kompleks C  
Pusat Pentadbiran Kerajaan Persekutuan  
62510 W.P. PUTRAJAYA  
MALAYSIA

Lampiran A

Tel: 603-80008000  
Faks (Fax): 603-88892187  
Laman Web (Web): [www.jpa.gov.my](http://www.jpa.gov.my)

Rujukan : JPA.800-3/2/4 (39)  
Tarikh : 06 Februari 2024

Semua Ketua Setiausaha Kementerian  
Semua Ketua Jabatan Persekutuan  
Semua YB Setiausaha Kerajaan Negeri  
Semua Pihak Berkuasa Berkanun  
Semua Pihak Berkuasa Tempatan

*YBhg. Datuk Seri/Dato' Sri/Datuk Wira/Dato' Indera/Datuk/  
Dato'/Ts./Dr.*

## **BAYARAN INSENTIF AWAL KAJIAN SISTEM SARAAN PERKHIDMATAN AWAM TAHUN 2024**

Dengan hormatnya saya ingin menarik perhatian YBhg. Datuk Seri/  
Dato' Sri/ Datuk Wira/ Dato' Indera/ Datuk/ Dato'/ Ts./ Dr. kepada perkara  
di atas.

2. Sebagaimana YBhg. Datuk Seri/ Dato' Sri/ Datuk Wira/ Dato' Indera/  
Datuk/ Dato'/ Ts./ Dr. sedia maklum bahawa Kerajaan melalui Belanjawan  
2024, telah bersetuju supaya Bayaran Insentif Awal (BIA) Kajian Sistem  
Saraan Perkhidmatan Awam (SSPA) Tahun 2024 sebanyak RM2,000.00  
dibayar kepada pegawai Perkhidmatan Awam Persekutuan Kumpulan



Pengurusan dan Profesional serta Kumpulan Pelaksana, Gred 56 dan ke bawah. Di samping itu, BIA Kajian SSPA Tahun 2024 ini juga dibayar kepada pegawai Perkhidmatan Awam Persekutuan Gred Jawatan Utama/ Khas sebanyak RM1,000.00. BIA Kajian SSPA Tahun 2024 ini turut dipanjangkan kepada pesara Kerajaan dan veteran berpencen dan tidak berpencen dengan bayaran sebanyak RM1,000.00.

3. Selaras dengan keputusan tersebut, kaedah pelaksanaan pembayaran BIA Kajian SSPA Tahun 2024 adalah seperti berikut:

3.1 Bayaran **LAYAK** diberikan kepada:

- (i) Pegawai Perkhidmatan Awam Persekutuan Kumpulan Pengurusan dan Profesional serta Kumpulan Pelaksana Gred 56<sup>1</sup> dan ke bawah sebanyak RM2,000.00 yang masih berkhidmat pada 23 Februari 2024;
- (ii) Pegawai Perkhidmatan Awam Persekutuan Gred Jawatan Utama/ Khas (termasuk yang sedang memangku/ penempatan khas) sebanyak RM1,000.00 yang masih berkhidmat pada 23 Februari 2024; dan
- (iii) Pegawai Perkhidmatan Awam Persekutuan yang layak merupakan:
  - a) pegawai lantikan tetap, sementara dan *Contract of Service* (COS)<sup>2</sup>;

---

<sup>1</sup> Pegawai di Gred 56 atau setara. Tidak termasuk pegawai yang sedang memangku di Gred Jawatan Utama/ Khas.

<sup>2</sup> Bagi pegawai di bawah *Contract for Service*, surat edaran berasingan akan dikeluarkan oleh Kementerian Kewangan.



- b) pegawai yang bercuti bergaji penuh;
- c) pegawai yang bercuti separuh gaji;
- d) pegawai yang bercuti tanpa gaji; dan
- e) pegawai yang dipinjamkan/ ditukar sementara termasuk ke agensi yang diasingkan pengurusan saraannya di mana BIA Kajian SSPA Tahun 2024 ini akan dibayar oleh agensi peminjam.

3.2 BIA Kajian SSPA Tahun 2024 ini turut dipanjangkan kepada:

- (i) Personel MySTEP yang telah berkhidmat sekurang-kurangnya selama enam (6) bulan pada tahun 2023 dan masih berkhidmat pada 23 Februari 2024;
- (ii) guru interim;
- (iii) pemandu yang dilantik sendiri oleh pegawai Gred Jawatan Utama B dan ke atas, serta pegawai Gred Khas A dan ke atas yang layak pemandu tetapi tidak disediakan pemandu oleh jabatannya; dan
- (iv) pemandu yang dilantik sendiri oleh Anggota Pentadbiran dan Hakim serta Pesuruhjaya Kehakiman.

3.3 Bagi pesara Kerajaan yang menerima pencen termasuk penerima pencen terbitan di bawah undang-undang pencen, pesara pilihan dan belum menerima pencen serta pesara Skim Kumpulan Wang Simpanan Pekerja (KWSP) yang



bersara daripada perkhidmatan awam apabila mencapai opsyen umur persaraan pada atau sebelum 23 Februari 2024 akan dibayar sebanyak RM1,000.00 oleh Jabatan Perkhidmatan Awam (JPA) manakala veteran berpencen dan tidak berpencen oleh Jabatan Hal Ehwal Veteran (JHEV);

3.4 Pesara Kerajaan (rujuk perenggan 3.3) dan veteran yang dilantik semula secara lantikan tetap, sementara serta COS yang masih berkhidmat pada 23 Februari 2024 layak dibayar sebanyak RM2,000.00. Walau bagaimanapun, pembayaran sebanyak RM1,000.00 akan dibuat oleh JPA/ JHEV dan bakinya sebanyak RM1,000.00 akan dibayar oleh jabatan di mana pegawai sedang berkhidmat;

3.5 Pegawai Perkhidmatan Awam Persekutuan yang meninggal dunia pada 23 Februari 2024 layak diberi BIA Kajian SSPA Tahun 2024 sebanyak RM2,000.00; dan

3.6 BIA Kajian SSPA Tahun 2024 ini akan dibayar pada 23 Februari 2024 dan menjadi tanggungan jabatan di mana pegawai berkhidmat pada tarikh pembayaran.

4. Pemberian BIA Kajian SSPA Tahun 2024 ini turut dikecualikan cukai pendapatan selaras dengan peruntukan di bawah subseksyen 127(3A) Akta Cukai Pendapatan 1967.




5. Tertakluk kepada penerimaan pakai oleh pihak berkuasa masing-masing, arahan ini pada keseluruhannya dipanjangkan kepada semua Perkhidmatan Awam Negeri, Pihak Berkuasa Berkanun dan Pihak Berkuasa Tempatan.

Sekian, terima kasih.

**“MALAYSIA MADANI”**

**“BERKHIDMAT UNTUK NEGARA”**

Saya yang menjalankan amanah,



**(DATO' SRI WAN AHMAD DAHLAN BIN HAJI ABDUL AZIZ)**

s.k.:

Ketua Setiausaha Negara

Ketua Setiausaha Perbendaharaan

Akauntan Negara